

四庫全書精華

國際文化出版公司



R
2225
46

四庫全書精華

第三冊

欽定四庫全書

經部

周禮注疏
目錄正義序序廢興原目卷一

詳校官監察御史臣祝德麟

刑部郎中臣許兆椿覆勘

覆校官庶吉士臣侍朝

校對官中書臣汪日章

謄錄監生臣唐作梅

欽定四庫全書

經部四

周禮注疏

禮類一周禮之屬

目錄

周禮正義序

序周禮廢興

周禮注疏原目

卷一

天官冢宰第一

治官之屬合六十三人

卷二

欽定四庫全書

周禮注疏

天官

大宰之職

卷三

天官

小宰之職

宰夫之職

官正

卷四

天官

膳夫
亨人
鬯人

庖人
甸師
腊人

內饔
獸人

外饔
甸人

卷五

天官

醫師
獸醫

食醫
酒正

疾醫
酒人

瘍醫
聚人

凌人 籩人

卷六

天官

醢人 醢人 鹽人 冢人
官人 掌舍 幕人 掌次
大府 玉府 內府 外府
司會

卷七

天官

司書 職內 職歲 職幣
司裘 掌皮 內宰 內小臣
關人 寺人 內豎 九嬪

卷八

欽定四庫全書

天官

世婦 女御 女祝 女史
典婦功 典絲 典枲 內司服
縫人 染人 追師 屨人
夏采

卷九

地官司徒第二

教官之屬合七十八人

卷十

地官

大司徒之職

卷十一

地官

小司徒之職 鄉師之職
鄉大夫之職

卷十二

地官

州長 黨正 族師 閭胥
比長 封人 鼓人 舞師
牧人 牛人 充人

卷十三

地官

載師 閭師 縣師 遺人
均人

卷十四

地官

師氏 保氏 司諫 司救
調人 媒氏 司市

卷十五

欽定四庫全書

地官

質人 廛人 胥師 賁師
司贖 司稽 胥 肆長
泉府 司門 司關 掌節
遂人 遂師 遂大夫 縣正
鄙師 鄼長 里宰 鄼長

卷十六

地官

旅師 稍人 委人 土均
草人 稻人 土訓 誦訓
山虞 林衡 川衡 澤虞
迹人 柎人 角人 羽人
掌葛 掌染草 掌炭 掌茶
掌蜃 圉人 場人 康人
春人 膳人 稿人 司稼
倉人 廩人

卷十七

春官宗伯第三

禮官之屬合七十人

卷十八

春官

大宗伯之職

卷十九

春官

小宗伯之職 肆師之職 鬻人

卷二十

春官

雞人 典瑞 司尊彝 司几筵 天府

欽定四庫全書

周禮注疏

四

卷二十一

春官

典命 司服 典祀 守祧 世婦 內宗 外宗 冢人 墓大夫 職喪

卷二十二

春官

大司樂

卷二十三

春官

樂師 大胥 小胥 大司馬 小師 皆矇 眠瞭 典同

卷二十四

春官

膳師 鍾師 笙師 鐃師 鞀師 典庸器 司千 大卜 占人 龜人 筮氏 占人

卷二十五

春官

占夢 眠祿 大祝 小祝

卷二十六

春官

喪祝 甸祝 詛祝 司正 男巫 女巫 大史 小史 馮相氏 保章氏 內史 外史

欽定四庫全書

周禮注疏

五

卷二十七

春官

御史 巾車 典路 車僕 司常 都宗人 冢宗人 神士

卷二十八

夏官司馬第四

政官之屬合七十人

卷二十九

夏官

大司馬之職

卷三十

夏官

小司馬之職 軍司馬 典司馬 行司馬 司廋 馬質 量人

小子 羊人 司權 掌固
司陰 掌疆 候人 環人
擊壺氏 射人 服不氏 射鳥氏
羅氏 掌畜

卷三十一

夏官

司士 諸子 司右 虎賁氏
旅賁氏 節服氏 方相氏 大僕
小臣 祭僕 御僕 隸僕

卷三十二

夏官

弁師 司甲 司兵 司戈盾
司弓矢 繕人 乘人 戎右
齊僕 道右 大馭 戎僕
齊僕 道僕 田僕 馭夫

欽定四庫全書

周禮注疏
目錄

六

卷三十三

夏官

校人 趣馬 巫馬 牧師
廋人 圉師 圉人 職方氏
土方氏 懷方氏 合方氏 訓方氏
形方氏 山師 川師 邇師
匡人 擇人 都司馬 家司馬

卷三十四

秋官司寇第五

刑官之屬合六十六人
大司寇之職 小司寇之職
士師之職

卷三十五

秋官

鄉士 遂士 縣士 方士
訝士 朝士 司盟 司刑
司刺 司約 司圉 職金
司廌 犬人 司圉 掌固
掌戮 司隸 罪隸 蠻隸
閼隸 夷隸 貉隸

卷三十六

秋官

布憲 禁殺戮 禁暴氏 野廬氏
蜡氏 雍氏 萍氏 司寤氏
司烜氏 條狼氏 修閭氏 冥氏
庶氏 穴氏 翼氏 柞氏
蠲氏 哲族氏 翦氏 赤友氏
蠋氏 壺涿氏 庭氏 銜枚氏
伊耆氏

欽定四庫全書

周禮注疏
目錄

七

卷三十七

秋官

大行人 小行人

卷三十八

秋官

司儀 行夫 環人 象胥
掌客 掌訝 掌交 掌祭
掌貨賄 朝大夫 都則 都士
家士

卷三十九

冬官考工記第六

三十工總敘
輪人為蓋 輿人為車
輪人為輪

卷四十

冬官考工記

轉人為轆
冶氏為殺矢
桃氏為劍

段氏為鍾
函氏為甲
韋氏為犀陶

韋氏之事
韋氏
韋氏為犀陶

畫繪之事
畫人
畫人

卷四十一

冬官考工記

玉人之事
雕人
柳人為磬

矢人為矢
陶人為甗
梓人為筍

旄人為旄
梓人為筍
梓人為侯

漆人為器
漆人為侯
漆人為侯

欽定四庫全書

周禮注疏
匠人營國

卷四十二

冬官考工記

匠人為清洫
車人為車
車人為車

弓人為弓

臣等謹按周禮注疏四十二卷漢鄭元注唐賈

公彥疏元有易注已著錄公彥治州永年人永

徽中官至太學博士事迹具舊唐書儒學傳周

禮一書上自河間獻王手諸經之中其出最晚其真偽亦

紛如聚訟不可縷舉惟橫渠語錄曰周禮是

的當之書然其間必有未世增入者鄭樵通

志引孫處之言曰周公居攝六年之後書成

歸豐而實未嘗行蓋周公之為周禮亦猶唐

之顯慶開元禮預為之以待他日之用其實

未嘗行也惟其未經行故僅述大畧俟其臨

事而損益之故建都之制不與名諸洛誥合

封國之制不與武成孟子合設官之制不與

欽定四庫全書

周禮注疏
周官合九畿之制不與禹貢合云云

名諸洛誥孟子顯相外異至禹貢乃唐虞之制

武成周官乃析蹟古文尚書王制乃漢文帝

博士所追述皆不足以其說差為近之然亦

未盡也夫周禮作于周初而周事之可考者

不過春秋以後其東遷以前三百餘年官制

之沿革政典之損益除舊布新不知凡幾其

初去成康未遠不過因其舊章稍為改易而

改易之人不皆周公也于是以後世之法竄

入之其書遂雜其後去之愈遠時移勢變不可行者漸多其書遂廢此亦如後世律令條格率數十年而一修修則必有所附益特世近者可考年遠者無徵其增刪之迹遂靡所稽統以為周公之舊耳迨乎法制既更簡編猶在好古者留為文獻故其書閱久而仍存此又如開元六典政和五禮在當代已不行用而今日尚有傳本不足異也使其作偽何

欽定四庫全書

禮記注疏

卷之十

不全偽六官而必闕其一至以千金購之不得哉且作偽者必剽取舊文借真者以實其贗古文尚書是也劉歆宗左傳而左傳所云禮經皆不見于周禮儀禮十七篇皆在七畧所載古經七十篇中禮記四十九篇亦在劉向所錄二百十四篇中而儀禮聘禮賓行饗餼之物禾米芻薪之數豆蠶蠶之實銅壺鼎甌之列與掌客之文不同又大射禮天子

諸侯侯數侯制與司射之文不同禮記雜記載子男執圭與典瑞之文不同禮器天子諸侯席數與司几筵之文不同如斯之類與二禮多相矛盾歟果贗託周公為此書又何難牽就其文使與經傳相合以相証驗而必留此異同以啟後人之攻擊然則周禮一書不盡原文而非出依託可概觀矣考工記稱鄭之刀又稱秦無廬鄭封于宣王時秦封于孝

欽定四庫全書

禮記注疏

卷之十一

王時其非周公之舊典已無疑義南齊書稱文惠太子鎮雍州有盜發楚王冢獲竹簡書青絲編簡廣數分長二尺有奇得十餘簡以示王僧虔僧虔曰是科斗書考工記則其為秦以前書亦灼然可知雖不足以當冬官然百工為九經之一共工為九官之一先王原以制器為大事存之尚稍見古制俞庭樞以下紛紛割裂五官均無知妄作耳鄭注隋志

作十二卷賈疏文繁乃析為五十卷新舊唐

志並同今本四十二卷不知何人所併元於

三禮之學本為專門故所釋特精惟好引緯

書是其一短歐陽修集有請校正五經劄子

欲刪削其書然緯書不盡可據亦非盡不可

據在審別其是非而已不必竄易古書也又

好改經字亦其一失然所注但曰當作某耳

尚不似北宋以後連篇累牘動稱錯簡則亦

欽定四庫全書

明禮注疏

三

不必苛責于元矣公彥之疏亦極博核足以

發明鄭學朱子語錄稱五經疏中周禮疏最好

蓋宋儒惟朱子深于禮故能知鄭賈之善云

乾隆四十二年三月恭校上

總纂官臣紀昀臣陸錫熊臣孫士毅

總校官臣陸費墀

欽定四庫全書

周禮正義序

唐朝散大夫行太學博士弘文館學士臣賈公彥等奉

勅撰

夫天育蒸民無主則亂立君治亂事資賢輔但天皇地

皇之日無事安民降自燧皇方有臣矣是以易通卦驗

云天地成位君臣道生君有五期輔有三名注云三名

公卿大夫又云燧皇始出握機矩表計真其刻日蒼牙

欽定四庫全書

周禮正義序

通靈昌之成孔演命明道經注云拒燧皇謂人皇在伏

義前風姓始王天下者斗機云所謂人皇九頭兄弟九

人別長九州者也是政教君臣起自人皇之世至伏羲

因之故文耀鉤云伏羲作易名官者也又案論語撰考

云黃帝受地形象天文以制官伏羲已前雖有三名未

必具立官位至黃帝名位乃具是以春秋緯命歷序云

有九頭紀時有臣無官位尊卑之別燧皇伏羲既有官

則其間九皇六十四氏有官明矣但無文字以知其官

號也案左傳昭十七年云秋郟子來朝公與之宴昭子問焉曰少皞氏鳥名官何故也杜氏注云少皞金天氏黃帝之子己姓之祖也郟子曰吾祖也我知之昔者黃帝氏以雲紀故為雲師而雲名注云黃帝軒轅氏姬姓之祖也黃帝受命有瑞雲故以雲紀事百官師長皆以雲為名號緡雲氏蓋其一官也炎帝氏以火紀故為火師而火名注云炎帝神農氏姜姓之祖也亦有火瑞以火紀事名百官也共工氏以水紀故為水師而水名注

欽定四庫全書

周禮正義

二

云共工以諸侯霸有九州者在神農前大皞後亦受水瑞以水名官也大皞氏以龍紀故為龍師而龍名注云大皞伏羲氏風姓之祖也有龍瑞故以龍命官也我高祖少皞摯之立也鳳鳥適至故紀於鳥故為鳥師而鳥名又云鳳鳥氏歷正之類又以五鳥五鳩九扈五雉並為官長亦皆有屬官但無文以言之若然則自上以來所云官者皆是官長故皆云師以目之又云自顓頊以來不能紀遠乃紀於近是以少皞以前天下之號象其

德百官之號象其徵顓頊以來天下之號因其地百官之號因其事事即司徒司馬之類是也若然前少皞氏言祝鳩氏為司徒者本名祝鳩言司徒者以後代官況之自少皞以上官數略如上說顓頊及堯官數雖無明說可略而言之矣案昭二十九年魏獻子曰社稷五祀誰氏之五官蔡墨對曰少皞氏有四叔曰重曰該曰脩曰熙實能金木及水使重為句芒該為蓐收脩及熙為玄冥世不失職遂濟窮桑此其三祀也注云窮桑帝少

欽定四庫全書

周禮正義

三

皞之號也顓頊氏有子曰犁為祝融共工氏有子曰句龍為后土此其二祀也后土為社稷田正也有烈山氏之子曰柱為稷自夏以上祀之周棄亦為稷自商以來祀之故外傳犁為高辛氏之火正此皆顓頊時之官也案鄭語云重犁為高辛氏火正故堯典注高辛氏之世命重為南正司天犁為火正司地以高辛與顓頊相繼無隔故重犁事顓頊又事高辛若稷契與禹事堯又事舜是以昭十七年服注顓頊之下云春官為木正夏官

為火正秋官為金正冬官為水正中官為土正高辛氏因之故傳云遂濟窮桑窮桑顓頊所居是度顓頊至高辛也若然高辛時之官唯有重犁及春之木正之等不見更有餘官也至於堯舜官號稍改楚語云堯復育重犁之後重犁之後即羲和也是以堯典云乃命羲和注云高辛之世命重為南正司天犁為火正司地堯育重犁之後羲和氏之子賢者使掌舊職天地之官亦紀於近命以民事其時官名蓋曰稷司徒是天官稷也地

欽定四庫全書

周禮正義序

四

官司徒也又云分命羲仲申命羲叔分命和仲申命和叔使分主四方注仲叔亦羲和之子堯既分陰陽四時又命四子為之官掌四時者字曰仲叔則掌天地者其曰伯乎是有六官案下驩兜曰共工注共工水官也至下舜求百揆禹讓稷契暨咎繇帝曰棄黎民阻饑汝后稷播時百穀注稷棄也初堯天官為稷又云帝曰契百姓不親汝作司徒又云帝曰咎繇汝作士此三官是堯時事舜因禹讓述其前功下文云舜命伯夷為秩宗舜

時官也以先後參之唯無夏官之名以餘官約之夏傳云司馬在前又後代況之則羲叔為夏官是司馬也故分命仲叔注云官名蓋春為秩宗夏為司馬秋為士冬為共工通稷與司徒是六官之名見也鄭玄分陰陽為四時者非謂時無四時官始分陰陽為四時但分高辛時重犁之天地官使兼主四時耳而云仲叔故云掌天地者其曰伯乎若然堯典云伯禹作司空四時官不數之者鄭云初堯冬官為共工舜舉禹治水堯知其有聖

欽定四庫全書

周禮正義序

五

德必成功故改命司空以官名寵異之非常官也至禹登百揆之任捨司空之職為共工與虞故曰垂作共工益作朕虞是也案堯典又云帝曰疇咨若時登庸鄭注云堯末時羲和之子皆死庶績多闕而官廢當此之時驩兜共工更相薦舉下又云帝曰四岳湯湯洪水有能俾乂鄭云四岳四時之官主四岳之事始羲和之時主四岳者謂之四伯至其死分岳事置八伯皆王官其八伯唯驩兜共工放齊咎四入而已其餘四人無文可知

案周官云唐虞稽古建官惟百內有百揆四岳則四岳之外更有百揆之官者但堯初天官為稷至堯試舜天官之任謂之百揆舜即真之後命禹為之即天官也案尚書傳云惟元祀巡狩四岳八伯注云舜格文祖之年堯始以羲和為六卿春夏秋冬者并掌方岳之事是為四岳出則為伯其後稍死驩兜共工求代乃置八伯元祀者除堯喪舜即真之年九州言八伯者據畿外八州鄭云畿內不置伯鄉遂之吏主之案明堂位云有虞氏

欽定四庫全書

周禮正義序

六

官五十夏后氏官百殷二百周三百鄭注云有虞氏官蓋六十夏百二十殷二百四十周三百六十不得如此記也昏義云三公九卿二十七大夫八十一元士鄭云蓋夏制依此差限故不從記文但虞官六十唐則未聞堯舜道同或皆六十并屬官言之則皆有百故成王周官云唐虞建官惟百也若然自高陽已前官名略言於上至於帝嚳官號略依高陽不可具悉其唐虞之官惟四岳百揆與六卿又堯典有典樂納言之職至於餘官

未聞其號夏官百有二十公卿大夫元士具列其數殷官二百四十雖未具顯案下曲禮云六大五官六府六工之等鄭皆云殷法至於屬官之號亦蔑云焉案昏義云三公九卿者六卿并三孤而言九其三公又下兼六卿故書傳云司徒公司馬司空公各兼二卿案顧命太保領冢宰畢公領司馬毛公領司空別有芮伯為司徒彤伯為宗伯衛侯為司寇則周時三公各兼一卿之職與古異矣但周監二代郁郁乎文所以象天立官而官益備此即官號沿革粗而言也

欽定四庫全書

周禮正義序

七

周禮正義序

周禮正義序考證

周禮正義序○臣紱按孔穎達作五經疏皆曰正義賈

公彥作周禮儀禮疏直云疏不稱正義此序不云周禮疏序而云正義者疑後人所改或唐人疏與正義可以通稱

燧皇伏羲既有官則其間九皇六十四氏有官明矣○

氏一本作民

欽定四庫全書

周禮正義序考證

周禮正義序考證

欽定四庫全書

序周禮廢興

唐賈公彥撰

周公制禮之日禮教興行後至幽王禮儀紛亂故孔子云諸侯專行征伐十世希不失鄭注云亦謂幽王之後也故晉侯趙簡子見儀皆謂之禮孟僖子又不識其儀也至於孔子更脩而定之時已不具故儀禮注云後世衰微幽厲尤甚禮樂之書稍稍廢棄孔子曰吾自衛反於魯然後樂正雅頌各得其所謂當時在者而復重雜

欽定四庫全書

序周禮廢興

亂者也惡能存其亡者乎至孔子卒後復更散亂故藝文志云昔仲尼沒微言絕七十二弟子喪而大義乖諸子之書紛然散亂至秦患之乃燔滅文章以愚黔首又云禮經三百威儀三千及周之衰諸侯將踰法度惡其害已滅去其籍自孔子時而不具至秦大壞漢興至高堂生博士傳十七篇孝宣世后倉最明禮戴德戴聖慶普皆其弟子三家立于學官案儒林傳漢興高堂生傳禮十七篇而魯徐生善為容孝文時徐生以容為禮官

大夫而瑕丘蕭奮以禮至淮陽太守孟卿東海人也事蕭奮以授后倉后倉說禮數萬言號曰后氏曲臺記授戴德戴聖鄭云五傳弟子則高堂生蕭奮孟卿后倉戴德戴聖是為五也此所傳者謂十七篇即儀禮也周官孝武之時始出秘而不傳周禮後出者以其始皇特惡之故也是以馬融傳云秦自孝公已下用商君之法其政酷烈與周官相反故始皇禁挾書特疾惡欲絕滅之搜求焚燒之獨悉是以隱藏百年孝武帝始除挾書之

欽定四庫全書

序周禮解

三

律開獻書之路既出於山巖屋壁復入于秘府五家之儒莫得見焉至孝成皇帝達才通人劉向子歆校理秘書始得列序著于錄略然亡其久官一篇以考工記足之時衆儒竝出共排以為非是唯歆獨識其年尚幼務在廣覽博觀又多銳精于春秋末年乃知其周公致太平之迹迹具在斯奈遭天下倉卒兵革竝起疾疫喪荒弟子死喪徒有里人河南緱氏杜子春尚在永平之初年且九十家于南山能通其讀頗識其說鄭衆賈逵往

受業焉衆達洪雅博聞又以經書記轉相證明為解達解行於世衆解不行兼攬二家為備多所遺闕然衆時所解說近得其實獨以書序言成王既黜殷命還歸在豐作周官則此周官也失之矣逵以為六鄉大夫則冢宰以下及六遂為十五萬家絙千里之地甚謬焉此比多多吾甚閔之久矣六鄉之人實居四同地故云絙千里之地者誤矣又六鄉大夫冢宰以下所非者不著又云多多者如此解不著者多又云至六十為武都守郡

欽定四庫全書

序周禮解

三

小少事乃述平生之志著易尚書詩禮傳皆訖惟念前業未畢者唯周官年六十有六目瞑意倦自力補之謂之周官傳也案藝文志云成帝時以書頗散亡使謁者陳農求遺書于天下詔光祿大夫劉向校書經傳諸子詩賦向輒條其篇目撮其指意錄而奏之會向卒哀帝復使向子歆卒父業歆於是總羣書奏其七略故有六藝七略之屬歆之錄在於哀帝之時不審馬融何云至孝成皇帝命劉向子歆考理秘書始得列序著于錄略

者成帝之時蓋劉向父子竝被帝命至向卒哀帝命歆卒父所脩者故令文乖理則是也故鄭玄序云世祖以來通人達士大中大夫鄭少贛名興及子大司農仲師名衆故議郎衛次仲侍中賈君景伯南郡太守馬季長皆作周禮解詁又云玄竊觀二三君子之文章顧省竹帛之浮辭其所變易灼然如晦之見明其所彌縫奄然如合符復析斯可謂雅達廣攬者也然猶有參錯同事相違則就其原文字之聲類考訓詁据秘逸謂二鄭者欽定四庫全書

同宗之大儒明理于典籍痛識皇祖大經周官之義存古字發疑正讀亦信多善徒寡且約用不顯傳于世今讚而辨之庶成此家世所訓也又其名周禮為尚書周官者周天子之官也書序曰成王既黜殷命滅淮夷還歸在豐作周官是言蓋失之矣案尚書盤庚康誥說命泰誓之屬三篇序皆云某作若干篇今多者不過三千言又書之所作據時事為辭君臣相詰命之語作周官之時周公又作立政上下之別止有一篇周禮乃六篇

文異數萬終始辭句非書之類難以屬之時有若茲焉得從諸又云斯道也文武所以綱紀周國君臨天下周公定之致隆平龍鳳之瑞然則周禮起於成帝劉歆而成于鄭玄附離之者大半故林孝存以為武帝知周官末世瀆亂不驗之書故作十論七難以排棄之何休亦以為六國陰謀之書唯有鄭玄徧覽羣經知周禮者乃周公致太平之迹故能答林碩之論難使周禮義得條通故鄭氏傳曰玄以為括囊大典網羅衆家是以周禮大行後王之法易曰神而化之存乎其人此之謂也

序周禮廢興

序周禮廢興考證

乃周公致太平之迹故能答林碩之論難使周禮義得

條通○林王制篇題下疏作臨

欽定四庫全書

序周禮廢興考證

序周禮廢興考證

欽定四庫全書

周禮注疏原目

漢鄭氏目錄

唐賈公彥疏

天官冢宰第一注象天所立之官冢大也宰者官也

天者統理萬物天子立冢宰使掌邦治亦所以總御

衆官使不失職不言司者大宰總御衆官不主一官

之事也疏釋曰第一者第次也一者數之始也次第

者周天有三百六十餘度天官亦總攝三百六十官

欽定四庫全書

周禮注疏原目

鄭又云冢大宰官也者下注對大宰則云冢者大之

上此不對大宰故云冢大也宰者調和膳羞之名此

冢宰亦能調和衆官故號大宰之官鄭又云不言司

者大宰總御衆官不主一官之事者此官不言司對

司徒司馬司寇司空皆云司以其各主一官不兼羣

職故言司此天官則兼攝羣職故不言司也若然則

春官亦不言司者以其祭祀鬼神非人所主故

亦不言司也其地官鄭云象地所立之官彼言象地

實主地事此天官言天直取總攝為言全無天事天

事又並入於春官者言象天自取總攝為名象地自

取掌物為號各取一

周禮鄭氏注疏釋曰鄭氏者

邊為義理無嫌也海郡鄭冲之孫名玄字康成注者於經之下自注已

意使經意可申故云注也孔君王肅之等則言傳傳

者使可傳述若然或云注或言

傳不同者立意有異無義例也

地官司徒第二注象地所立之官司徒主衆徒地者

載養萬物天子立司徒掌邦教亦所以安擾萬民疏

釋曰既言象地所立則此六十官皆法也與天官言象天義異矣

春官司伯第三注象春所立之官也宗尊也伯長也

春者出生萬物天子立宗伯使掌邦禮典禮以事神

為上亦所以使天下報本反始不言司者鬼神示人

之所尊不敢主之故也

夏官司馬第四注象夏所立之官馬者武也言為武

欽定四庫全書

周禮注疏原目

二

者也夏整齊萬物天子立司馬共掌邦政政可以平

諸侯正天下故曰統六師平邦國

秋官司寇第五注象秋所立之官寇害也秋者道也

如秋義殺害收聚斂藏於萬物也天子立司寇使掌

邦刑刑者所以驅恥惡納人於善道也

冬官司工記第六注象冬所立官也是官名司空者

冬閉藏萬物天子立司空使掌邦事亦所以富充國

家使民無空者也司空之篇亡漢興購求千金不得

此前世識其事者記錄以備大數古周禮六篇畢矣

古周禮六篇者天子所專秉以治天下諸侯不得用

焉六官之記可見者堯育重黎之後義和及其仲叔

四子掌天地四時夏書亦云乃召六卿商周雖稍增

改其職名六官之數則同矣疏釋曰卿義既然今按

三百威儀三千及周之衆諸侯將踰濫廢惡其害已

皆滅去其籍孔子時多不具故鄭注鄉飲酒云後世

衰微幽厲尤甚禮樂之書稍稍廢棄孔子曰吾自衛

反魯然後樂正雅頌各得其所謂當時在者而復重

雜亂者也惡能存其亡者乎以此觀之冬官一篇其

欽定四庫全書

周禮注疏原目

三

不知其人又不知作在何日要之在於秦前是以得
遭秦滅焚典籍韋氏袁氏等闕也故鄭云前世識其
事者記錄以
備大數耳

周禮注疏原目